



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

XII. Indulg. plen. perp. pro Ecclesiis Monialium Visitationis Beatæ Mariæ  
Virg.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)



Ordinis in eadem Sacra Theologia versatioribus, quique per septennium, laudabiliter legerint in Capitulis Generalibus, vel Provincialibus dumtaxat, & non alibi examinari, & ab aliis, vel saltem a quatuor eorum per secreta, & reiterata vota, tanquam idonei, & laurea digni approbati fuerint, itaut si fecus aliqua in parte fieri contigerit, Minister Generalis privationis vocis activæ, & passivæ, ac officiorum si quæ habuerint, & laureati nullitatis collatæ laureæ pœnas respectivè ipso factò incurrant, auctoritate Apostolica tenore præsentium concedimus, & indulgemus, salva tamen semper in præmissis auctoritate Congregationis prædictorum Cardinalium.

Clausula.

§. 3. Decernentes easdem præsentibus literas, semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quocumque spectabit in omnibus, & per omnia plenissime suffragari, & ab illis respectivè inviolabiliter observari: Sicque in præmissis per quoscumque Judices Ordinarios, & Delegates, etiam causarum Palatii Apostolici Auditores, judicari, & definiri debere; ac irritum, & inane, si fecus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, Constitutionibus, & Ordinationibus Apostolicis, necnon dicti Ordinis, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanens, ad præmissorum effectum, hac vice dumtaxat specialiter, & expresse derogamus, caterisque contrariis quibuscumque.

§. 5. Volumus autem, ut earumdem præsentium literarum transumptis, seu exemplis, etiam impressis manu alicujus notarii publici subscriptis, & sigillo personæ in Ecclesiastica dignitate constitutæ munitis eadem prorsus fides ubique locorum adhibeatur, quæ ipsis præsentibus adhibetur, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die XVII. Maji MDCXCII., Pontif. nostri Anno Primo.

XII.

Confirmatur Indulgentia Plen. Perp. in Ecclesiis Monialium Visitationis Beate Mariæ Virginis in festo S. Francisci Salesii.

*Hec Indulgentia concessa fuit ab Alex. VII. Const. ed. 1666. Septem. 18.*

Dat. 2. Junii  
1692. An. 1.

INNOCENTIUS PAPA XII.

*Ad perpetuam rei memoriam.*

Præd. Indulg. concessa fuit visitantibus Ecclesiis dd. Monialium.

Dudum fel. rec. Alexander PP. VII. prædecessor noster pro peculiari sua erga Sanctum Franciscum Salesium, quem ad Omnipotentis Dei gloriam, exaltationem Catholicæ Fidei, & Christianæ Religionis incrementum Sanctorum Catalogo solemnî Ritu adscripserat, devotione, omnibus utriusque sexus Christianis vere penitentibus, & confessis, ac sacra Communione refectis, qui aliquam ex Ecclesiis Monasteriorum Monialium Ordinis Visitationis Beate Mariæ Virginis Immaculatæ a memorato Sancto Francisco instituti, tam eatenus erectorum, quam imposterum quocumque erigendorum, & ubique existentium, die festo ejusdem Sancti Francisci Salesii a primis vespere usque ad occasum solis diei

hujusmodi singulis annis devote visitassent, & ibi pro Christianorum Principum concordia, hæresum extirpatione, ac Sanctæ Matris Ecclesiæ exaltatione pias ad Deum preces effudissent, plenariam omnium peccatorum suorum Indulgentiam, & remissionem misericorditer in Domino concessit, & alias prout in ejusdem Alexandri prædecessoris literis desuper in simili forma Brevis die 18. Septembris 1666. expeditis, quas perpetuis futuris temporibus valere voluit, & quarum tenorem præsentibus pro plene, & sufficienter expressis, & inserto haberi volumus, uberiorius continetur.

§. 1. Nunc autem Nos supplicationibus dilectæ in Christo filiæ modernæ Superiorissæ Monasterii Monialium ipsius Sancti Francisci Salesii de Urbe nomine nobis super hoc humiliter porrectis inclinati, Indulgentiam a memorato Alexandro prædecessore, sicut præmittitur, in perpetuum concessam, ac desuper expeditas ejus literas præfatas, auctoritate Apostolica tenore præsentium itidem perpetuo approbamus, & confirmamus, illisque inviolabilis Apostolicæ firmitatis robur adjicimus. In contrarium facientibus non obstantibus quibuscumque.

Datum Romæ apud S. Mariam Majorem sub Annulo Piscatoris die II. Junii MDCXCII., Pontif. nostri Anno Primo.

Preces Superiorissæ.

Confirmatio præfate Indulg.

Confirmantur Constitutiones Congregationis Presbyterorum Sæcularium SSmæ Trinitatis Peregrinorum, & Convalescentium de Urbe.

XIII.

*Ab Innoc. XI. Const. ed. 1684. Nov. 15. P. 9. confirmata fuerunt Constitutiones Presbyterorum Sancti Josephi de Urbe. Et hujus Pontificis Constit. ed. 1692. Jun. 21. P. 1. Constitutiones Presbyterorum S. Lucie Bononien.*

INNOCENTIUS PAPA XII.

*Ad perpetuam rei memoriam.*

Dat. 3. Junii  
1692. An. 1.

EX debito Pastoralis officii, quo Catholicæ Ecclesiæ regimini Divina dispositione præsidemus, ad ea, quæ Christianæ charitatis, atque pietatis opera ubique locorum, & præsertim in hac Alma Urbe nostra, ex qua bonorum operum exempla in omnes Christiani Orbis partes assidue promanant, modis congruis promoventur, favorabiliter intendentes, Congregationes Christi fidelium in sortem Domini vocatorum laudabiliter in id ipsum incumbentes paterno favore libenter prosequimur, & illis, quæ pro felici earum regimine, & gubernio, provide prudenterque constituta esse noscuntur, ut firma semper atque illibata persistant, Apostolici muniminis adjungimus firmitatem.

Exordium.

§. 1. Exponi siquidem nobis nuper fecerunt dilecti filii Superior, & Presbyteri Congregationis Presbyterorum sæcularium in Ecclesia Sanctissimæ Trinitatis Peregrinorum, & Convalescentium de Urbe præfata instituta, quod alias pro felici ipsorum Exponentium, & Congregationis hujusmodi directione a quodam Mariano Socino, dum vixit, Presbytero sæculari Congregationis Oratorii Sancti Philippi Neri de eadem Urbe formatæ, seu compilatæ fuerunt nonnullæ Constitutiones tenoris, qui sequitur, videlicet.

A quo conditæ fuerint sequentes Constitutiones.

*Costituzioni della Congregazione de' Sacerdoti dell' Archiconfraternità della Santissima Trinità de' Pellegrini, e Convalescenti di Roma.*

FINE DELL' ISTITUTO.

Il fine, che devono avere li Sacerdoti chiamati a questa Congregazione, si riduce principal-